



განკითხვის დღეს მოიყვანენ ერთ კაცს და ჩააგდებენ ჯოჯოხეთში, და მისი ნაწლავები გადმოიფცქვნება. ის იტრიალებს მათ გარშემო, როგორც ვირი ტრიალებს წისქვილის გარშემო.

გადმოცემულია უსამა იბნ ბაიდისგან (აღლაჰი იყოს კმაყოფილი მისით) რომ მას უთხრეს: "რატომ არ შედიხარ 'უსმანთან და არ დაელაპარაკები მას?" მან უპასუხა: "ნუთუ ფიქრობთ, რომ მე მას არ ვესაუბრები თუ თქვენ არ მოგასმენინებთ(რომ მას მართლაც ვესაუბრები)? აღლაჰზე ვფიცავ, მე უკვე ვესაუბრე მას პირისპირ(ჩვენ ორს შორის), ისე, რომ არაფერი გამიკეთებია, რაც არ მსურდა პირველი გამეკეთებინა. და მე არ ვიტყვი არც ერთ მათგანს, ვინც დაინიშნება ჩემს ზემოთ მმართველად, რომ ის არის საუკეთესო ადამიანი, მას შემდეგ, რაც მოვისმინე მოციქულის (აღლაჰის ლოცვა და მშვიდობა მას) სიტყვები, რომელმაც თქვა: «განკითხვის დღეს მოიყვანენ ერთ კაცს და ჩააგდებენ ჯოჯოხეთში, და მისი ნაწლავები გადმოიფცქვნება. ის იტრიალებს მათ გარშემო, როგორც ვირი ტრიალებს წისქვილის გარშემო. ჯოჯოხეთის მაცხოვრებლები შეიკრიბებიან მის გარშემო და ჰკითხავენ: "ეი, ეს და ესო! რა დაგემართა? ნუთუ შენ არ მოუწოდებდი სიკეთისკენ და არ აფრთხილებდი ბოროტებისგან?" ის პასუხობს: "დიახ, მე მოვუწოდებდი სიკეთისკენ, მაგრამ თავად არ ვასრულებდი მას, და ვკრძალავდი ბოროტებას, მაგრამ თავად ვჩადიოდი მას».

[სანდო (საჰიბ)] [შეთანხმებული]

უსამა იბნ ბაიდს (აღლაჰი იყოს მისით კმაყოფილი) უთხრეს: რატომ არ შეხვედი 'უსმან იბნ 'აფფანთან (აღლაჰი იყოს მისით კმაყოფილი) და არ ესაუბრე იმ არეულობაზე, რომელიც ხალხში მოხდა, და არ ეცადე, რომ მისი ალი ჩააქრო? მან მათ აცნობა, რომ უკვე ესაუბრა მას პირისპირ, სიკეთისთვის და არ არა არეულობის გაღვივებისთვის. მან იგულისხმა, რომ არ სურდა მმართველების ღიად გაკრიტიკება ხალხის წინაშე, რადგან ამან შეიძლება გამოიწვიოს ხალხში მმართველისადმი თავხედური დამოკიდებულება, რაც არის არეულობისა და ბოროტების კარი, და არ სურდა ყოფილიყო პირველი, ვინც ამ კარს გახსნიდა. შემდეგ უსამა იბნ ბეიდმა (აღლაჰი იყოს მისით კმაყოფილი) განაცხადა, რომ იგი მიმართავდა მმართველებს რჩევებით პირისპირ და არ იჩენდა მლიქვნელობას არავის მიმართ, თუნდაც მმართველის მიმართ. ის არ უწონებდა მათ და არ აქებდა მათ, სიმართლისგან გადახვევით, მას შემდეგ, რაც მოისმინა მოციქულისგან (აღლაჰის ლოცვა და მშვიდობა მას), რომ სასჯელის დღეს მოიყვანენ ერთ ადამიანს და ჩააგდებენ ცეცხლში. მისი ნაწლავები სწრაფად გამოვა მისი მუცლიდან სიციხისა და ტანჯვის გამო, და ამ მდგომარეობაში ის თავის ნაწლავებში ტრიალებს ჯოჯოხეთში, როგორც ვირი ტრიალებს წისქვილის ქვის გარშემო. ჯოჯოხეთის მაცხოვრებლები შემოიკრიბებიან მის გარშემო და ჰკითხავენ: ო, ასეთო და ასეთო! ნუთუ შენ არ მოუწოდებდი სიკეთისკენ და კრძალავდი აუგს?! და ის პასუხობს: დიახ, მე მოვუხმობდი სიკეთისკენ, მაგრამ თვითონ არ ვასრულებდი მას. ვუკრძალავდი ბოროტებას, მაგრამ თვითონ ვჩადიოდი მას.

النجاة الخيرية
ALNAJAT CHARITY

